





省齋別彙目錄

卷第一

送陸先生赴春闈二首

余石月挽詞

許寺正挽詞二首

孟郡王挽詞二首

張朝宗挽詞二首

太行皇太后挽詞四首

跋平江蔣守帖

跋曾祖題名

跋陳丞相手書

卷第二

謝賜麻日表四首



賀重修皇太后回鑾事實表

賀皇太后慶八十表二首

賀皇太后牋二首

賀皇太后服藥赦書表二首

皇太后升遐慰表四首

賀冬至表三首

慰元正表

顯仁皇太后發引慰表二首

攢宮禮畢慰表二首

祔廟禮畢慰表二首

賀冬至表

賀郊祀表二首

謝郊赦表二首

天申節賀表四首

謝御製書損齋記表三首

廣德軍謝上表

謝除直秘閣知揚州表

信陽軍謝上表

謝除太府少卿表

張端明謝乞致仕不允表

漢州謝上表

汪端明遺表

天申節進銀奏狀二首

大兄奏劄

王監簿辭召命狀

趙尚書論侍從隨赦加恩劄子

卷第三

外舅設醮青詞

建康為皇太后設醮青詞

茅山青詞

徐憲設醮青詞



金陵求雨青詞

方卿設醮青詞

郭元嘉設黃籙青詞

又設醮青詞

尚氏姊設醮青詞

十三弟設醮青詞

乾龍節功德疏八音

天申節功德疏八音

會慶節疏三首

皇太后服藥蔣山疏

皇太后服藥赦書賽諸廟疏文

建康為皇太后舉哀疏文六首

請寶公祈雨疏文

祈雪疏文三首

卷第四

謝宰執啟

與江東張帥啟

徐憲頌德

周漕頌德

葉漕頌德

徐總領頌德

呂提舉頌德

凌正言啟

宣州樓樞密啟

臨安韓尚書啟

王舍人啟

湯中丞啟

褚臺簿啟

答陳國正啟

賀王侍郎啟

賀辛侍郎啟

賀万俟右相轉官加食邑啟

賀沈左相轉官加封邑啟



賀湯右相二首

問候沈左相啟

問候湯右相啟

賀王樞密啟

賀張尚書啟

賀朱中丞啟

問候葛侍郎啟

賀何大諫啟

賀都司諫啟

謝執政啟

卷第五

賀李漕啟

賀江東陳憲啟

賀王樞密啟

回陳都官啟

賀陳同知除知院啟

賀魏參政啟

賀鎮江董知府啟

回田開府啟

回柴參議啟

回吳漕啟

賀江東王提舉啟

賀吳漕啟

回淮東朱總領啟

賀賀參政啟二首

賀湯丞相遷左丞相啟二首

賀陳右相啟二首

謝執政啟

賀湯右相轉官加恩啟二首

賀孟宗丞除江東運判啟

賀王同知啟

賀楊給事啟

賀孫侍郎啟



卷第六

賀陳知院啟

賀楊少師啟

賀趙侍郎啟

賀魏宣州啟

賀湯侍郎改除戶部啟

賀葉侍郎啟

賀賀尚書啟

賀周侍郎啟

賀洪舍人啟

謝執政啟

謝賀尚書啟

葉侍郎啟

沈侍郎頌德

趙侍郎頌德

楊侍郎頌德

黃侍郎頌德

王侍郎頌德

周給事啟

洪舍人啟

張舍人頌德

朱御史啟

任殿院頌德

汪察院啟

任察院頌德

何司諫頌德

都正言頌德

賀鎮江鄭直閣啟

賀辛福州啟

賀閩中周提舉啟

賀閩漕王敷文啟

卷第七

上湯丞相求嶽詞啟

得嶽祠謝宰相啟



賀葉樞密啟

賀葉樞密啟

回宣州朱舍人啟

賀周給事中啟

賀岳都統起復啟二首

賀池州周侍郎啟二首

賀吏部周侍郎啟二首

賀曾侍郎啟二首

賀謝提舉啟

謝舉自代啟

賀邵侍郎啟

回王運幹啟

與新總領啟

賀孟少師判平江府啟

回交代除郎官啟

回教授啟

賀周內翰啟二首

賀張舍人啟二首

卷第八

賀黃舍人啟

賀任秘監啟

賀汪殿院二首

賀葉侍郎啟

賀楊侍郎啟

上沈丞相啟

賀金陵韓帥啟

賀徐信州啟二首

賀董侍郎啟

漢州謝到任啟

賀揚州劉安撫啟

賀楊尚書啟

賀洪侍郎啟

宋侍郎啟

邵侍郎啟

王給事啟



沈正言啟

謝安仁酒官啟

與恩平郡王啟

謝解啟

卷第九

上陳丞相書

又上朱參政書

謝執政小簡

回江東王運幹小簡

妻妹親書

向宅親書

小一姪納幣胡氏親書

十二弟韓氏納幣親書

江權卿親書

趙尉親書

王蘊親書

廣德軍鹿鳴燕樂語

請盧帥樂語

卷第十

朝散大夫王公葆墓誌銘

文山人墓誌

祭徐淑人文二首

祭岳都統母夫人文二首

七兄親迎歸祝文

伯考伯母加贈祝文



省齋別彙目錄終

省齋別彙卷第一

周益文忠公集八十一

詩

跋

並代作

送陸先生

府

赴春闈

代十弟

紹興辛酉

九重詔下選賢能  
又見先生啟遠行  
離恨暗隨流水去  
朔風穩送片帆輕  
休嗟此日睽違事  
預發來春晉錫榮  
一去鵬程應九萬  
始知佳夢合金精

同前

代李及之

何幸天涯款緒餘  
軒昂氣槩識雄圖  
滔滔腹彙盈千軸  
凜凜詞鋒敵萬夫  
方對芝眉蒙教口  
乍驚絳帳失規模  
從茲穩步青雲



上始信沙堤夢不誣

余石月挽詞 乙亥

學重今顏子年高漢伏生鯉庭傳道德鱣序列公卿忠孝平生  
事詩書後世名於公無一憾多士自傷情

自我居洪府從公父子遊至言今在耳往事忍回頭風急唐山  
隴雲埋石月樓生芻無路奠酒淚寄東流

秦州守許寺正挽詞二首 代外舅

昔在西京日名臣數次公人歌廷尉德 帝念潁川功出處君  
何異修良譽亦同誰提班固筆千古紹高風

身襲黃門慶腰懸紫綬龜未登知命歲遽逼蓋棺期風咽哀笳  
恨雲凝斷壟悲只應潘岳淚重憶悼亡時

孟郡王 忠厚 挽詞二首 丁丑

炳靈崧岳古諸姜令德高標對寵光位冠西樞籌運幄班高左  
棘繡為裳十年聲譽佳公子二紀功名異姓王人物風流今已  
矣空令吳越詠甘棠

祥源總使奉真遊藏室提綱接勝流書蠹只知三館樂盤鯖不  
鬪五侯羞名山早晚尋黃石逝水須臾失夜舟白馬素車分散  
後何人更忍過西州



張朝宗挽詞二首

代外舅  
丁丑

老舊推西洛於公見典刑全名高白璧利刃拂青萍日者瞻卿  
月天乎隕使星平生精藻鑿桃李半槐庭  
甲第開鄰里蝸廬遂不孤相從期晚歲太息奠生芻涼吹飛丹  
旒殘陽詠白駒傷心松柏路螭首載龜趺

大行皇太后挽詞二首

代方總領  
己卯

瑞應興沙麓祥源發豨韋東朝方母育滄海倏塵飛蟾暗冰輪  
影鰲翻地軸機宸心懷慕處篋有五時衣  
媯汭芳聲遠思齊聖德優湘妃初從舜文母晚興周養棄慈宣

樂神同永祐遊鳳車青羽益忍望浙江舟

同前

得道西王母思齊古太任仙遊歸少廣人世失徽音閨苑桃空  
熟稽山柏自森天心知舜孝寒日慘多陰

憶昨登中壽梅觴慶九重春回方晝永月掩遽雲濃鐘鼓沉長

樂蠶桑罷濯龍宣仁遺意古

別本作  
懿在

定諡獨追縱

跋平江蔣守帖

代程崑山沂

琛守郡朝夕勉竭但老朽無補事功今歲必謂境內登稔秋  
稅不勞而辦乃承垂譽如此名聞然農夫辛苦不得厚獲其



轉徙固宜切望悉意拊集

諭瀕臨江海細民許其就便送納粳米庶免搬運勞費俾之少安則郡縣之本也左右勤民如此安得不如來命公檄未到間一切曉示使之通知諸邑赴府倉者亦不令多有費用留滯區區之心惟欲利民耳

右手書二通太守蔣公諭屬令以勤民之旨也公由天子侍臣來鎮輔藩惠足以存下明足以恤隱故雖尺牘而周悉勤懇如此昔韓愈有言賦有常而民產無常水旱癘疫之不期民之豐約繫於州縣令不以言連帥不以信民就窮而斂愈急嗚

呼使唐之守帥能以公之心為心則愈言何自而發哉公之筆精墨妙獨步當世人得半橐自當藏弄以為榮况利民之心昭然在是沂也何敢獨拜嘉命而私諸篋行乎固宜冶金伐石揭示百里俾為吏者目擊而戒追呼之擾為民者戶知而殫樂輸之誠一舉而二美具焉蓋公之賜也沂之幸也紹興二十七年十一月日

跋曾祖題名

代吳司戶哀

政和三年癸巳四月甲午朝拜茅山景福萬年殿遂行告遷奉安之禮遵上旨也已未還府家弟樽男敞激檄來迓於此



知府事建安縣子吳棫題

曾大父昔持從橐鎮金陵距今四十六年中經搶攘山川良是  
城郭非矣去府二十五里有寺曰祈澤如魯之靈光巋然獨存  
曾大父題名在焉哀來主辭曹恭覽涕下飭匠募寫鏡諸樂石  
豈惟紓念祖追遠之心亦使父老過之對甘棠而思召伯讀峴  
碑而泣羊公也紹興戊寅五月

庚辰跋陳丞相手書

代三十九舅

高文大冊屬意而為則其詞章黼黻筆墨精妙理亦宜之若乃  
書疏填委引紙占答此豈有意於其間哉特以溫厚之性根於  
中故雖造次皆樂善之言心畫之妙應於手故雖遊戲皆絕人  
之藝昔漢嘉威侯贍辭善書數百封親疎各有意人得尺牘皆  
藏弄以為榮丞相益其苗裔與何道大德全而餘力猶至於斯  
也某寶此十餘年矣我公方運造化以鑪錘一世如某盤跼闡  
茸仕愈久而身益困視鞭景而弗悟委衮褒於草莽凡前日好  
賜之榮祇所以為今日之媿歟年月日



省齋別彙卷一終

省齋別彙卷第二

周益文忠公集八十二

表 牋 狀 劄 並代作

謝賜曆日表 代州作 紹興十八年

欽崇天道初觀玉曆之成謹授人時均下璽書之賜仰祇德意

俯佩恩榮 中謝 恭惟 皇帝陛下輔相兩儀總齊七政大法協

於五紀克叙彝倫閏月定乎四時靡乖躔次推本聖心之自蓋

先民事之宜故此遐方亦頒密度臣敢不深思奉順務稱滋恭

東作西成行見京坻之積南洽北暘豈惟正朔之同

同前 代外舅廣德軍作 紹興二十七年



欽崇天道課玉曆於中臺謹授人時下璽書於方國凡任承流  
之責舉申拜賜之榮中謝 恭惟 皇帝陛下功錫禹疇德齊舜  
政災圖載赫既聰明睿知以有臨皇極用成宜歲月日時之無  
易申命居卿之職載嚴頒朔之文天始地終得大衍自然之數  
珠連璧合驗太初最密之祥誕告多方用興嗣歲臣敢不仰推  
聖意徧諭封圻九叙惟歌使咸知於帝力三時不害期各厚於  
民生

同前 紹興二十九年

日官推數當五年再閏之期王者頒常下三統四分之祿凡叨

守土敢怠承流中謝 恭惟 皇帝陛下把握陰陽彌綸天地授

太元之神筭協洪範之彝倫水火金木惟修坐致九功之叙歲  
月日時無易預知百穀之成爰即上春徧頒密度豈特新又新  
而無弊蓋將朔復朔以何窮臣一分銅虎之權三拜璽書之賜  
年運而往竊自驚齒髮之衰民愚而神願謹示農桑之候

同前 紹興三十年

參萬歲以成純方衍無窮之數以四時而為柄用頒有截之區  
望雲祇拜於君恩愛日益勤於吏事中謝 恭惟 皇帝陛下德  
隆廣運化本密庸仰膺申命之休俯謹授時之政地法天而天



法道據四大以宅中正次王而王次春殖萬民而布治况歲值  
金穰之次而麻符璧合之祥農力穡以無違吏窺文而竊忤臣  
敢不勤敷聖意徧諭部封時和年豐顧已示夢魚之兆家給人  
足愧莫施流馬之功

賀重修皇太后回鑾事實表

代外舅廣德軍作  
紹興二十六年

冬溫夏清久承長樂之顏文贍事詳今紀蘭臺之筆母儀既著  
聖德愈光中賀臣聞周美太任詩人發詠漢迎薄后史氏特書  
倘汗青不載於一時則副墨孰傳於萬世於皇盛舉克掩前芳  
恭惟皇帝陛下仁冒華夷孝通天地締盟北道永清萬馬之

屯致養東朝夙返六駟之馭言念皇家之殊慶豈容惇史之  
闕文既詔諸儒纂事而書之策復資上宰帥屬而獻於王昭哉  
典籍之精詳導以禮儀之繁縟風傳六服喜動羣生臣身也滯  
南心焉拱北班香宋艷莫窺三館之藏舜日堯年願祝兩宮之  
壽

賀皇太后慶八十表

紹興二十九年

東朝衍慶方膺難老之祥南面稱觴適及常珍之日禮行正旦  
喜浹綿區中賀恭惟皇帝陛下道貫神明仁漸動植久躋民  
於化國每養志於慈寧億載萬年人頌堯宗之孝四章一節歲



踰漢麻之元當熙春肇始之時舉邃古未行之典動鐘鼓於長  
樂聲氣咸和滿環珮於後宮儀容大備豈特親其親而廣九重  
之愛又將老吾老以來萬宇之懽臣屬守近藩莫趨邇列思齊  
所以聖佇觀則百之男天保莫不增更祝無疆之壽

同前

德盛母義方茂桂松之壽誠殫子道遂稱叔姁之觴禮容肇講  
於宮庭德教遠加於海宇

中賀

恭惟

皇帝陛下仁先廣愛志

務宜親以繡裳畫衮而為戲綵之榮以芳膳蘭飧而備常珍之  
奉繇上帝眷一人之孝致慈闈開萬歲之期乃稽興慶之舊儀

兼舉建隆之故事受茲介福于其王母豈惟共擁於休祥建其  
有極錫厥庶民蓋亦咸躋於仁壽臣悞持龍節莫造鸞班則百  
斯男願嗣文母徽音之雅既多受祉載賡魯侯燕喜之詩

賀皇太后牋

慈闈就養春秋宜過於八千寶祿更端甲子將周於五百舉慶

儀於內殿溫和氣於外庭

中賀

恭惟

皇太后殿下沙麓儲精

塗山啟瑞誕育聖神之主茂揚慈儉之風鍊石而補皇天不愧  
女媧之巧得道而坐少廣莫知王母之年稜容爰講於王朝純  
孝益隆於萬乘國家賴慶簡冊增光臣適綰郡符阻瞻禁幄橐



弓戰矢早知武王十亂之功含飴弄孫行應堯帝多男之祝

同前

七紀垂周得金母長生之道九重致喜講玉卮為壽之儀兆和  
氣於芳辰騰懽聲於華夏中賀恭惟 皇太后殿下篤生上聖  
密贊中興好黃老之言何慚漢后茂姜任之德克紹周京筭延  
南極以無疆福備東朝而未艾爰因歲旦肇舉禮文奉萬歲之  
觴共知 天子之孝極九州之養永居 帝母之尊臣將命私  
門傾心盛典融融洩洩豈資穎谷之封人怡怡愉愉請頌元和  
之聖德

皇太后服藥赦書表

孝無大於宣親方謹寢門之問仁莫先於赦過肆空牢戶之囚  
伏聽詔音灼知聖意中賀恭惟 皇帝陛下勤修子道祇奉母  
慈散和氣於綿區無幽不被洽善祥於長樂何恙弗除豈資藥  
石之功自得天人之助臣猥塵遠使獲奉寬條動植被虞帝之  
恩既隆孝治燕喜壽魯侯之母願繼頌聲

同前

問安視膳躬定省於九重解嬈除苛洽寬仁於四表堯言誕布  
舜德益昭中賀恭惟 皇帝陛下考通神明仁浹黎庶介祉欲



臻於文母施恩爰暨於周民事親足以解憂天心所相勿藥至  
於有喜坤德自宜臣猥使近圻祇承溫詔祝三面之網已騰樂  
國之歡呼奉萬年之觴即慶慈寧之康復

皇太后升遐慰表

慈闈書掩哀訃夕傳凡思持載之功舉抱摧傷之痛中慰 恭惟  
皇帝陛下事親盡禮侍膳殫誠久承文母之言徽音遽隔遠  
邁顯宗之孝追慕何窮願寬陟屺之悲少副普天之望

同前

駸馭上賓終天莫返駒懷永慕履地所同中慰 恭惟 皇帝陛

下德邁舜文行逾曾閔幾年膝下親承壽母之顏一日宮中頓  
失慈寧之養雖聖孝深思於載育而民心咸懼於過憂願抑至  
誠俯安羣下

同前

母儀久正坤載俄隳凡在含生舉懷悲慕中慰 恭惟 皇帝陛  
下仁先立愛志務寧親侍膳問安備殫誠意省刑薄斂式慰母  
心豈期天命之難謀終嘆慈闈之遽掩雖一人之孝方永念於  
劬勞然萬務之煩當深思於節抑

同前



學結東朝悲纏中夏遙知晬穆正切哀恫恭惟 皇帝陛下性  
本自天行皆高世漢文至孝晨昏無解帶之安虞舜好生遠邇  
釋晝冠之禁既勤施德謂可寧親脩聞厚地之傾莫曉彼蒼之  
意願思適變母致過哀上以符慈寧治命之言下以副黎庶誠  
心之懇

慰冬表

代江漕司  
紹興二十九年

化國日舒徐行北陸聖人孝至永念東朝凡在輿情同深孺慕  
中慰 恭惟 皇帝陛下德隆天性報厚母慈當宮線之初添悵  
禕衣之浸遠率百官而為壽忍虛興慶之彝儀幸舊宅而令冬

益愴永平之故事願抑對時之感俯安率土之心

同前

望雲氣於觀臺甫驗新陽之至斷鐘聲於長樂莫陳亞歲之儀  
上切哀恫下均感慕 中慰 恭惟 皇帝陛下行高文帝孝邁有  
虞誦凱風聖善之詩悵六龍之永隔當化舒長之候候感一線  
以增悲仰祈宸抱之少寬式對天心之來復

同前 代方總領

亞歲甫臨方講漢儀之舊徽音浸遠共深文母之思遙知晬穆  
之光正切哀恫之慕 中慰 恭惟 皇帝陛下道同堯舜行過參



騫罷長樂之壽觴深悲節物望慈寧之總帳益動孝思願寬追  
遠之懷茂對履長之序

慰元正表

代方卿  
紹興三十年

行夏時而正麻游易歲華履春露以念親益昭聖德凡預載持  
之數共懷怵惕之思中慰恭惟 皇帝陛下以大孝而顯揚任  
如之徽音以至尊而度越參騫之高行當萬國貢珍之在列嘆  
東朝靈几之方新珮響唐宮莫展壽觴之禮鐘鳴漢殿暫停元  
會之儀願寬追遠之心茂對履端之序臣猥將使指不獲躬詣  
東上閣門臣無任

顯仁皇太后發引慰表

代方總領

陟彼屺兮爰卜青烏之吉維其時矣遽瞻畫翣之行祖載逶迤  
聖情惻楚中慰恭惟 皇帝陛下德鍾天性道貫人倫粵符素

柰之謠彌切蓼莪之感親喪固所自盡也內不廢於三年聖德  
又何加孝乎外已刑於四海逮茲遣奠尤極哀悰顧淑寧已隔  
於東朝惟追慕少寬於南面

同前

龜猶告吉翟駕即塗念慈矩之長違知聖情之永慕

中慰恭惟

皇帝陛下高行超於今古純誠貫於神明自罹文母之哀益



顯有虞之孝送終盡禮遣奠及期瞻披綽之在庭宜栝圈之增  
感願副羣生之望少寬罔極之思

攢宮禮畢慰表

代方總領

駟馭上賓武帳久虛於長樂龜猶未諗容衣遂闕於稽山一人  
嗟慈範之違萬國嘆坤儀之遠中慰 恭惟 皇帝陛下純誠冠  
古至行積中慕親之心未嘗息焉執喪之禮可謂盡矣神靈為  
之顯相天日至於晏清用葛無麻蓋異魯君之母因山配地實  
同唐室之規仙寢既成真遊莫返追懷聖善固益動於孝心俯  
為邦家當勉裁於哀慕

同前

日月有期爰畢因山之制寢園在望共勤陟屺之瞻追懷大妣  
之徽音益惻武王之違孝中慰 恭惟 皇帝陛下德隆天性念  
極母儀既哀戚之內深亦禮文之外盡為之宅兆奉長樂之禱  
衣見於著龜祔祐陵之吉壤逮茲甫窆孰不纏悲雖上聖荒荒  
痛長違於慈愛然下民懇懇願勉抑於至情

祔廟禮畢慰表

設祭以虞少駐言歸之馭祔姑而祀永綏如在之靈適觀彝典  
之成彌顯聖人之孝中慰 恭惟 皇帝陛下行為世法性本生



知宅憂每越於常情制禮率遵於故事瞻文王之清廟久矣寧  
神顧太妣之徽音茲焉登配既送終之無憾在追遠以宜寬臣  
猥以職守所拘不獲躬詣闕庭臣無任

同前

屨主來歸式講九虞之祭椒塗永闕遂參諸后之游悲動紫宸  
禮嚴清廟中慰恭惟 皇帝陛下誠通幽顯道法祖宗問寢承  
顏事母昔同於事地慎終追遠寧親今至於寧神雖云彝制之  
遵時乃明王之孝闕宮有恤已聞升祔於姜嫄南面何為顯節  
哀恫於虞舜

賀冬至表

麻記清臺甫驗周正之應人安化國共欣堯日之長惟時神聖  
之君坐獲天人之助中賀恭惟 皇帝陛下德參覆載明並照  
臨道方慶於陽來福自隨於剛長不假會八能之士和氣已充  
無煩觀五色之雲豐年可卜臣幸逢至景阻望威顏但同江表  
之民遙致華封之祝

賀郊祀表

紹興二十八年

萬乘造驅臨行宮而齋祓一陽來復舉柴燎於精禋熙事告成  
綿區賴慶中賀臣伏以百神咸秩雖歷代之通規三歲親祠實



本朝之定制既嚴恭之曲盡亦疏數之適宜自非明德之馨孰  
備聖人之饗恭惟 皇帝陛下道膺多助運際中興天為蓋而  
地為輿爰講合祛之禮祖有功而宗有德聿遵並侑之文籩豆  
靜嘉璧琮華潤既神靈之底豫宜華夏之同歡臣耳屬上儀身  
縻近甸漢壇八陛莫陪清珮之趨舜樂九成徒夢鈞天之奏

同前

稽國舊章修時大祀神靈底豫華夏騰歡

中賀

臣伏以天施地

生非合祭無以答兩儀之貺祖功宗德非陟配無以揚列聖之  
休厥際昌辰乃成熙事恭惟 皇帝陛下禮隆報本孝極奉先

乘至景於一陽講親祠於三歲歷太宮而裸鬯即吉土以欽柴  
峨峨奉璋來顯相之多士洋洋盈耳備克諧之八音恍雲車風  
馬之臨燦璧月珠星之應一人有慶萬福來同臣身也滯南心  
馬拱北從甘泉之法駕莫預駿奔受宣室之神釐徒勤注想

謝郊赦表

竣事圜丘施恩方國絲綸一出縲紲四空

中謝

恭惟

皇帝陛

下祇紹燕謀茂昭鴻化仁同覆燾每去殺而好生法若江河常  
易避而難犯尚虞黔首或麗丹書饗帝于郊俾緝熙於純嘏配  
天其澤用敷錫厥庶民仰瞻貫索之星沉俯驗圜扉之草茂臣



敢不勤宣漢詔徧諭周邦二千石之惟良雖有慚於共理四十年之不忒幸永覲於措刑

同前

輦回泰時慶熙事之備成幄次端闈錫湛恩之汪濊星馳紫詔

冰釋畫冠

中謝

恭惟

皇帝陛下禮重宗祈德隆丕冒除漢家

之祕祝惟欲惠民監周室之祥刑每思慎罰茲值三靈之貺盡捐五過之疵轉和氣於春臺躋嘉師於壽域臣適持龍節莫望雞竿神祇祖考之咸安久知舜孝輝翟胞閭之有畀願廣堯仁

天申節賀表

紹興二十八年

帝立子以生商時適中於九夏民同心而戴舜節共紀於千秋

中賀

恭惟

皇帝陛下剛健乘乾聰明稽古平徭薄賦散和氣

於豐年耀德銷兵躋嘉師於壽域眷此長羸之月薰然長育之風喜動東朝尚記日符之夢懽均北道有來星使之車既深恩丕冒於華戎宜善頌悉祈於富壽天心所鑒人欲必從臣幸綴從班欣逢聖旦方千里者九適備數於藩維呼萬歲者三第馳誠於軒陛

同前

日彤漢夢記誕節於九重風入舜絃扇歡聲於萬國

中賀

恭惟



皇帝陛下乾坤合德曆數在躬儉勤遠法於祖宗慈愛兼懷  
於夷夏人之所助天且弗違福祿延洪永御赫赫炎炎之祚本  
支蕃衍更觀振振蟄蟄之祥臣名在周行身遙魏闕制三十年  
之國用方儲細柳之糧上千萬歲之壽觴徒想猗蘭之會

同前 代總領

蒼龍正於南方適當盛夏紫電飛於北斗丕顯昌期慶屬當陽  
歡均率土 中賀 恭惟 皇帝陛下穆清居位濬哲在躬以安平  
之世而益務持盈以富足之秋而常思寶儉爰應朱明之序系  
隆火德之基八千歲之春秋方衍無疆之算數百所之符瑞更

儲有美之休臣分職近畿馳心廣陸作誕聖繼天之詠竊自愧  
於唐臣歌阜財解愠之風第欣逢於舜日

同前

天生民而立之君茂啟中興之運臣歸美以報其上共欣載夙  
之期 中賀 恭惟 皇帝陛下配德乾坤合明日月御赫赫炎炎  
之祚成巍巍蕩蕩之功當樞電之呈祥舉華戎而賴慶嚴恭寅  
畏而自度已迪哲於四人虛靜恬淡而無為方成純於萬歲臣  
猥司外閫阻造近班使壽使富而多男願上堯封之祝宜民宜  
人而受祿載賡周雅之章



謝御製書損齋記表

代江東帥司  
紹興二十九年

君子懲忿窒慾寓妙理於齋居聖人肆筆成書錫宸章於藩服  
望雲天而祇拜偕民吏以榮觀中謝臣伏以自昔守成之君鮮  
知持滿之戒雕墻峻宇第營桂館以求仙繪句締章或侈柏梁  
而流詠既不聞於修德自有愧於作猷豈如上聖之資懋啟中  
興之運念宴游之不急有感於斯惟筆硯之未忘式稽於訓乃  
闢殿廬之側益窮聖學之高究六十四卦之盈虛獨取名於抑  
損述三百餘言之謨訓思作鑒於興衰爛奎壁之光輝德乾坤  
之簡易恭惟皇帝陛下道高衆甫德冠百王克勤於邦而克  
儉於家罔遊於逸而罔淫於樂爰以躬行之美形諸心畫之精  
命自郵傳人皆草偃臣敢不仰遵彝教俯迪羣黎煥乎文章既  
睹神馬圖書之秘注其耳目共化羔羊節儉之風

同前代方總領

超然燕處損又損以標名倬彼雲章休勿休而示訓啟寶函而  
拜賜拭凡目以知榮中謝臣伏以真宗著清景之題必言省  
費仁祖述危竿之諭蓋慎居高是皆重熙累洽之時不廢履薄  
臨深之戒於皇上聖克紹先猷知盈滿之當持念宴游之不  
急乃闢殿廬之邃載擣睿筆之華探伏羲西伯之用心既窮大



象鑒武帝明皇之失策用作元龜乃如八法之通神尤見一人  
之能事恭惟 皇帝陛下簡易合乎天地儉勤御於家邦蕩蕩  
巍巍已底日新之盛兢兢業業不忘夕惕之思雖精微自得於  
宸心而播告未周於邦域用鑱樂石編錫官聯臣敢不三復  
聖人之言載殫愚者之慮朝夕清燕以自警既存乎辭損益盈  
虛與偕行願事斯語

同前 代吳漕

殿廬闢室揭先難後易之名睿藻摛詞述據舊鑒新之語刻堅  
珉於天上錫副墨於人間 中謝 臣聞山不自高乃成九仞澤惟

善下斯會衆流因二象之益謙畫六爻而為損仲尼讀易深虞  
持滿而自賢陸贄抗言力論裕人而約已未有據域中之大寶  
立天下之廣居即蝓蛄蠖獲之宮制為璇榜著潔淨精微之語  
親御寶跼究日月之盈虧體乾坤之簡易內頒百執外及多方  
聖謨雲漢之昭回妙墨龍鸞之蟠翥恭惟 皇帝陛下持盈有  
道守位惟仁以清心寡欲為先以黷武窮兵為戒捨宮寢而即  
大庭之館得黃帝之齋心衣弋綈而罷百金之臺邁漢文之躬  
儉尚慮莅官之衆未知懲忿之方爰出宸文俾孚 帝德臣敢  
不服膺大訓竭節外臺韋三絕以深思誦之無斃龜十朋而自



效奉以有為

廣德軍謝上表

代外舅 紹興二十六年

睿主有為慎求良守微臣何德誤列附庸懷印紱以知慚望雲

天而叙感

中謝

伏念臣奮身孤遠逢世休明趨事赴功嘗抱區

區之志循名責實迄無赫赫之功方謀三選之歸遽忝一麾之

守眷言桐水密拱楓宸尚德去刑吏識朝廷之意平徭簡賦人

安田畝之生初莫布於教條但坐縻於廩稍茲益伏遇 皇帝

陛下乾剛用九皇極登三如日正中畢照百工之能否與天同

大常憂一物之棄遺遂使至愚亦叨共理臣敢不勉圖實效深

念空餐政拙催科儻繼陽城之下考民無愁恨庶裨宜帝之中

興

謝除直秘閣知揚州表

紹興二十九年

劇部觀風已冒外臺之寵通都移牧更聯中秘之華朝違舊治

之山川夕見新封之民吏仰宣德意俯佩恩榮

中謝

伏念臣性

拙以迂器凡而近先朝賜第早被於作成上聖掄材嘗塵於任

使自終更於安陸旋退屏於閩陬口逢公道之宏開獲與時髦

而並驚分符樞李深慚芻狗之重陳換節江圻初試鉛刀之一

割方虞簿責遽奉詔除矧是廣陵夙稱督府北隣修睦邊城無



書閉之驚南畝服勤田畷有秋成之喜欲敷靜治宜擇能臣不  
圖猥擢於庸才仍復就加於美職江通一水誰云淮海之遙名  
列三山頓覺瀛州之近叨踰甚矣報稱謂何此蓋伏遇 皇帝  
陛下堯哲知人湯寬御衆察臣習於吏事故付之綏撫之權憐  
臣奮自書生故寓以清華之直龍光所被駑鈍奚堪臣敢不上  
體眷知勉殫夙夜身雖制閩莫陪東觀之諸儒志則勤民庶效  
西京之循吏

信陽軍謝上表

紹興二十九年

畿西假守僅輸乘障之勞湖外分麾復預專城之數洗印章而

視事望旒冕以知恩

中謝

伏念臣瓠落凡材榆搶微分三紀官

塗之荏苒十年幕府之棲遲浙水江圻早安平進岷山粵嶺中  
事遐征備半刺於峴南列附庸於塞上試可乃已終更亟還偶  
逃虞典之黜幽薦冒漢廷之宣化惟義陽之偏壘乃中伯之舊  
封土厚人淳昔蓋稱於衍沃兵銷賦簡今漸復於流移豈伊庸  
瑣之資堪此撫摩之任茲蓋伏遇 皇帝陛下深仁懷遠大智  
燭微每求師師之官尤慎邊疆之吏俯嘉勤拙俾効疲駑臣敢  
不悉力安民盡心固圉周邦咸喜雖慚吉甫之詩共理惟良願  
廣孝宣之治



謝除太府少卿表

將命江淮久塵星省疏榮觀闕驟亞月卿念委寄之不移知恩

私之愈厚

中謝

伏念臣寒鄉晚出薄宦卑飛叨逢顓俊之秋濫

綴登畿之數粵負丞於外府旋列屬於中臺所懼汰歸乃膺臨

遣給餉坐兼於兩路空餐行及於再期自量心計之非長口恐

使華之不稱竊思載籍具有前模流馬木牛葛亮創蜀中之運

輦車驪駕寇恂資河內之軍彼皆值於行師尚不聞於乏事矧

說劍橐弓之後無飛芻輓粟之勤第鈎考於簿書粗幹旋於金

穀論功何有竊位則多已慚假寵於諸郎更許參華於七寺中

負梁鵲之刺徒驚晉馬之蕃此蓋伏遇

皇帝陛下大智博臨

深仁徧覆灼知能否故雖遠而不遺力勸事功凡有長而必錄

爰茂出綸之渥悉褒總賦之臣遂致下愚亦升少列臣敢不仰

承睿眷俯竭駑才無廢前勞少助足食足兵之政更圖後効永

肩惟忠惟孝之心

張端明謝乞致仕降第二詔不允仍赴行在奏事表

紹興二十

九年五月

需章屢貢祈必返於田廬溫詔游頒俾趣朝於觀闕仰洪私之

曲被嗟素願之靡伸詞窮幾至於忘言感極惟知於賈涕

中謝



伏念臣以桑榆之暮景司管籥之重權引分正歸殆非一日強顏冒寵坐閱三年隕越是虞衰殘益甚矧父書之將墮在私義以何安竊慕馬遷請論先人之所次庶幾延壽追終舊事之未成用控忱辭疊塵淵聽敢謂俞音之闕更叨召節之嚴欲偃俛而趨則昧垂車之志將逡巡以避又貽俟駕之誅進退不遑凌兢失措此蓋伏遇 皇帝陛下恩深念舊禮厚馭臣謂其事奉有年早陪簪橐憐其餘生無幾久去軒墀既未許於歸休乃特容於入覲臣敢不勉承訓諭上體眷知葵藿之心儻一傾於天日龜魚之性即自樂於江湖豈惟不食於前言抑亦粗成於先

志

漢州謝上表

紹興三十年

觀闕九重榮頒印組舟車萬里來見吏民所慚庸陋之資莫稱蕃宣之寄 中謝 伏念臣才不足以應務學不足以通經自竊儒科即從吏役臨事欲殫於尺寸程能奚補於絲毫方伏窮閭遠塵偏壘矧德陽之奧壤為益部之樂郊去國雖遙望雲不隔聖主寬仁之有素惟在布宣朝家法令之具存第當遵奉名叨分土實愧空餐此蓋伏遇 皇帝陛下大智燭微深恩被物獎擢循良之吏撫綏幽遠之區謂臣早奮羈單知人疾苦察臣粗更



中外體上焦勞用錫左符俾臨右蜀臣敢不勸農桑以敦其本  
省刑罰以樂其生姑云職業之常尚容自勉倘論乾坤之造夫  
豈能酬

汪端明遺表

陰陽之數難逃要歸有盡覆載之恩未報寧忍無言指下地以  
將終望高穹而永嘆

中謝

伏念臣奮身寒遠稟質迂愚曾微一

善之踰人誤辱兩朝之過聽六卿分職佐銓曹版部之劇繁十  
國為連叨閩嶠坤維之鎮撫晚由禁路洊領輔藩以疾求間竊  
真祠之三命何功受寵聯祕殿者六年宜其福過以災生致乃

神殫而氣索遂享洪造永謝清時伏願 皇帝陛下剛健天行

光明日就萬年億載長承太上之顏四海九州迄覩丕平之世  
臣生而無益死亦奚為駑蹇自慚向有埋帷之累精誠未泯豈  
忘填海之心

天申節進銀一千五百兩奏狀

代江東轉運司  
紹興二十八年

漢嶽呼三夙應社鳴之旦周庭旅百載修寶贄之儀前件物剛  
本乾為瑞繇山溢恭輸內府庶參九牧之金願詔尚方助鑄千  
秋之鑑

盛德在火命自天申珍物為金寶難地愛言念逢辰之載夙宜



修享上之多儀前件物瑞溢商山名參漢幣雖睿哲以不貪為寶豈貨賄之敢供然臣民聖請祝之誠假精剛而自見

王監簿

庭珪

辭召命狀

乾道七年

伏念庭珪年踰九十塵忝科第五十四載昨於隆興初蒙恩召對獲望清光叨改京秩除國子監主簿尋懇免供職乞祠歸鄉今復八年忽準乾道六年十二月二十六日尚書省劄子備奉聖旨召赴行在庭珪餘生何幸深願再瞻觀闕其如齒髮益衰兩耳重聽奔走道路實難勉強欲望朝廷特賜敷奏寢罷前件恩命庭珪下情不勝戰懼懇祈之至候指揮

代大兄奏劄

淳熙三年

臣竊見朝廷向來將福建沿海人戶舟籍定數目分作甲乙丙三番輪流差使其當番之人前半年告報不得出外行之既久公私按堵未嘗乏事淳熙元年樞密院差黃蜚英同逐州通判再行根括立賞糾告監勒打駕伺候檢量丈尺辨驗木植之新舊雕刻帆檀置備軍器楨具拘留作泥近下半年妨廢興販中下之家往往失業既得放散方且營運未半年忽準指揮三番併發赴平江府許浦擺泊事出倉卒州縣奉行急於星火期限迫促而海道風波口無期程追逮家屬禁繫決責誠可憐憫



去冬臣在興化日忽報海寇自明州侵犯福州及本軍界帥憲  
司督責會合吏束手坐視無以為計所幸福州打造到未發大  
舟帥司差撥兩隻令鄭輝管押延祥寨水軍乘駕下海追捕遂  
得敗獲當時若無此船海寇必致猖獗此皆已驗之事不可不  
慮兼福建地狹人稠雖無水旱歲收僅了數月之食專仰舟船  
往來廣浙般運米斛以補不足倘或盡行起發民間定闕歲計  
臣愚欲望聖慈思患預防特降睿旨行下本路將已籍定船依  
舊分三番差使其當番人前期報告在岸祇備不當資次從便  
營運庶使瀕海有力之家自此樂於打造亦免見在船戶差使  
頻併無以為生將來却致逃移或誤國事取進止

吏部趙尚書

雄

論侍從隨赦加恩劄子

淳熙三年

伏觀二月十七日赦書內一項應文武官合加恩者並與加恩  
本部檢準司封令諸文武官應理七年已上若取旨及不磨勘  
者並隨赦加恩餘但給告即加稱加恩者功臣階勳爵邑皆是  
考功令應磨勘奉直至中大夫七年即是應理七年已上者係  
謂庶官奉直至中大夫又令五品以上應磨勘轉官者具狀擬  
奏即是合取旨者係謂大中大夫若職事官權六曹侍郎以上  
又令前執政官該磨勘依待制已上法即是不磨勘者係謂見



任執政官其上件依司封令遇赦並合隨赦加恩又令陞朝官因轉官應加恩者關到限次日報本選如此之類即是餘官須候給告即加事理昭然本無可疑只緣渡江以後本部不詳法意除文臣庶官奉直大夫已上武臣右武大夫刺史以上隨赦加恩外凡職事官自權六曹侍郎給諫已上至正尚書倘或階官未至大中大夫必候因事給告始加封邑則是侍從官雖至朝議中奉中大夫者反不若庶僚奉直大夫蓋侍從官自朝議至中大夫止理三年磨勘故也循襲錯誤莫甚於此兼檢照前輩文集遇赦加恩告詞甚多如劉敞集中有樞密直學士吏部郎中今朝請大夫權知開封府陳升之遇大禮加勲邑制龍圖閣直學士右司郎中李兌加爵邑制并王珪文集有工部郎中知制誥王洙遇大禮加爵邑制又有內外待制加食邑制今並錄白在前其他王安石余靖等外制所載尤多足見內外侍從官止據職任不繫階官自合隨赦加恩於訓詞中明著行慶施惠之意實為得體况見今使院有名臣蔡延慶之子所著祖宗官制舊典其論勲爵云熙寧後務減省故朝臣已上遇轉官併加勲階若待制觀察使已上方特給告今却以朝臣之制施之侍從可乎參考典故檢照法令愈明白本部欲照條施行更



取朝廷指揮伏候指揮

三省勘會文臣奉直大夫以上並隨赦加恩其侍從

官事體尤重自合隨赦加恩施行

正月二十七日三省同奉聖旨依

省齋別彙卷二終

省齋別彙卷第三

周益文忠公集八十三

青詞

疏文

並代作

外舅設醮青詞

人生總總捨妙道以奚依天網恢恢視至誠而來格稽首望層  
霄之表洗心陳一介之愚伏念臣某等並以冥頑仰資覆燾歷  
歲月日時之久善無聞焉凡行藏視履之間罪固多矣運適逢  
於惡俗家寢失於平康居懷臨深履薄之憂敢緩跼厚躋高之  
懇迎春陽之開動哀羽士以薰修縉琅函瓊笈之寶書延金闕  
玉京之飈馭伏望寸誠昭徹列聖監觀貸其既往之愆開以自



新之路福莫長乎無禍倘蒙大造之曲成吉不僭而在人誓與  
闔門而共勉

建康府為皇太后設醮青詞 己卯

慶集慈闈方介萬年之永時當秋令稍愆六氣之和聖神正切  
於問安臣子當勤於致禱肅衷淨侶祇被崇壇諷三洞之瓊章  
延九霄之飈馭式憑道蔭仰贊坤儀伏願上帝儲休萬靈介祉  
衍椿齡於南極轅燕喜於東朝同金母之長生後天而老副魯  
人之善祝俾壽而臧

茅山 己卯

壽社無疆方隆坤載節宣或爽未格時蘇眷惟句曲之山夙號  
列真之宅仰體聖神之意俯殫方國之誠祇按仙科肅邀羽士  
琅函瓊笈啟三洞之靈篇風馬雲車延九天之法駕曲盡薦馨  
之禮期臻勿藥之功伏願上帝監觀至誠昭徹來善祥於霄極  
介景福於慈闈孝莫大於親宥上副九重之願天必從於人欲  
下符四表之心

徐憲設醮青詞 己卯四月

死生有命固修短之難逃父子主恩忍幽明之遽隔念逝水莫  
回於下地惟真科可籲於上天不勝駒犢之情輒效潢汙之薦



伏念臣某次男某未登弱冠忽染沉疴雖竊深惟疾之憂尚庶  
幾勿藥之喜豈期不淑卒至云亡恍惚四旬疑聲容之猶在杳  
茫厚夜痛體魄之安歸深惟此生夭折之繇大懼宿世愆尤之  
積欲圖拯拔必假薰修叩絳闕而被壇場按赤文而陳簡錄肅  
延淨侶諷三洞之靈章廣設華燈破九幽之惡趣式裒眾善少  
濟冥塗伏願霄極監觀颺游降格憫臣心之懇切許臣子以超  
升罪刊黑簿之中魂越朱陵之上更憑妙道結未了之因緣誓  
與闔門戴無窮之造化

金陵府治祈雨青詞 同前

旱而欲雨在衆庶以皆然窮乃呼天豈守臣之敢緩惟金陵之  
巨屏實江表之通都師旅雲屯常資於豐稔室廬櫛比尤畏於  
鬱攸迺自三春以來暨於首夏之際既久愆於膏澤仍屢困於  
融風農末俱憂公私告病雖曲盡祈求之禮殊未有霑足之期  
自非請命於穹蒼何以救民於塗炭用涓穀旦祈被靈壇裒淨  
侶而演瓊章按真科而陳菲薦伏願俯垂淵鑒曲軫鴻慈大施  
三日之霖亟解一方之厄金穰可望既無艱食之虞火疹自消  
咸有奠居之樂敢忘飭勵仰答生成

方卿元日設醮青詞 庚辰



四序更端甫臨於元命九霄在望輒控於愚衷臣猥以駑材夙  
資鴻蔭陰陽默運倏甲子之一周歲月俱新適庚辰之並紀既  
官居而汎掃遵道錄以熏修稽首歸誠齋心謝過冀蒼穹之下  
濟俾丹懇之上通慶集親庭常保康寧之福身安仕路永逃瘴  
曠之愆誓堅金石之心仰答乾坤之造

郭元嘉設黃錄青詞

物皆有死惟短折則可哀人孰無情在弟昆為尤切眷言同氣  
備歷多艱雖一第之成名幾十年之不調僅沾寸祿遽迫大期  
繇宿生罪垢之弗除且今世愆尤之重積自貽伊咎遂隕其生  
不勝手足之悲輒效潢汙之薦投誠簡錄請命穹蒼仰繫覆幬  
之仁俯濟沉冥之苦天倫已矣悼友愛之莫伸地戶恍兮惟超  
升之是望

又設醮青詞

無微不至螻蟻之至情有感必通乾坤之大造伏念臣雖依道  
錄未脫世塵昨因伉儷之私嘗啟熏修之願偶緣多故頗致遷  
延逮因宿疴愈懷兢畏乃集黃冠之侶恪遵清醮之儀冀贖前  
愆且徽後福舉室倘臻於康泰終身永奉於高真

尚氏姊本命日設醮青詞 乙酉十二月二十五日



天無不覆其大難量人有所求維誠易感嗟稟生之多阨嬰痼  
疾者積年勢乍已而復加藥屢更而未效豈涉世動違於禁忌  
獲戾如斯抑宿生多積於愆尤貽災以此惟道蔭有祈禳之理  
惟真科開懺謝之塗適臨元命之辰密應新春之候輒殫悃幅  
虔致熏修雖上穹之聽益高然匹婦之情可達冀永蘇於病質  
誓仰戴於鴻私

十三弟設醮青詞 庚戌夏

罪愆增積久獲戾於神明限數災屯遂纏疴於床枕既知悔懼  
敢怠祈禳仰祈鴻造之鑒觀俯念微生之困殆貸其往咎許以  
新圖早收藥石之功獲保桑榆之景

乾龍節功德疏八首 戊寅

正陽紀月來瑞鳥之嘉祥薄海望雲啟飛龍之令節不致叢霄  
之禱曷殫萬國之誠孝慈淵聖皇帝陛下伏願誕受天休亟蒙  
帝祉脫三十年之否運回一萬里之安輿享福康寧遂邁人皇  
之上壽頤神間燕永觀宣后之中興

麥秋應候夙開夢日之祥寰夏傾心遙致後天之祝叩金闕玉  
京之境縉琅函瓊笈之書伏願上帝儲休三靈介祉五百里之  
荒服亟返迷塗八千歲之大椿更隆睿算



長發其祥當首夏清和之候誕彌厥月罄多方頌禱之誠望金闕於九霄演瓊章於三洞伏願兩儀克相萬福永膺俯順衆心輟瑤池之西宴仰憑道蔭自赤水以南歸

夢日儲休早應羣龍之集望雲祝聖共祈八駿之歸祇叩清都虔申丹懇伏願亟蒙多祉誕受殊祥歷三紀而狩窮荒既備嘗於險阻錫萬年而歸中國期永享於逍遙

南訛初秩夙聞里社之鳴北狩雖遙敢廢封人之祝肆稽舊典高咏靈篇伏願妙道扶持清躬燕豫民之所欲祈速返於鸞輿天且弗違更茂延於鴻算

長發其祥適在清和之候誕彌厥月預伸頌禱之誠即金界之淨坊演貝多之秘曲伏願壽同無量福過大千俯順衆心輟瑤池之西宴仰憑佛力自赤水以南歸

正陽紀月甲觀開祥聖若宣尼尚處九夷之陋誠同漢岳遙申萬歲之呼伏願千佛證知三靈孚佑必得其壽如沙劫之難窮式遙其歸等佛身之無礙

瑞鳥應期昔啟聖神之運飛龍紀節今逢震夙之期式瞻滿月之容遙致後天之祝伏願乾坤協佑屯否潛消十一月之朔巡早迴虞帝萬千歲之眉壽遠邁魯侯



天申節功德疏八首同前

日永蒼龍正火德熾昌之候星流華渚叶真人震夙之期虔修最上之乘仰贊方增之壽 皇帝陛下伏願備膺純嘏誕保洪基恬冒羣生等慈雲而徧覆照臨四海與佛日以常中

猗蘭紀瑞聖神膺申命之休貝葉繙經夷夏祝降年之永既預保釐之列彌勤歸報之誠伏願德茂日新福臻時邁寶圖演御聰明睿知以有臨玉曆增延算數譬喻不能及

景風應律序已正於朱明飛電騰輝符有開於赤帝欲罄延長之禱敢祈調御之師伏願誕保鴻休溥將駿命清蹕而朝萬宇永居宸極之尊後天而調三光常奉慈闈之養

帝圖有永仰上聖之膺期佛力無邊紓下情而致禱集龍天之妙勝裨海岳之深崇恭願舜日光昭堯雲布濩巧厯莫推其算數多男更茂於本支與國咸休常奉慈闈之養因民所利俾同

壽域之躋轉運司 戊寅

里社夙鳴際千齡而啟聖潮音普震罄九有以祈年矧將命於和門宜輸誠於梵刹伏願佛身常住僧叔難窮為大法王永副山靈之託作百神主常膺嵩岳之呼

天純佑命固已格於延鴻民懷有仁自難忘於頌禱集祇園之



淨侶慶甲觀之昌辰伏願乾健時行豐亨久照商后嚴恭而自  
度永觀帝德之敷周王安樂以延年坐擁天休之至

虹渚流光啟神聖挺生之旦鷲峯致禱罄華夷歸報之心恭願  
如日照臨體天覆博壽考越萬年之久子孫開千億之繁夏清

冬溫常奉東朝之養丁躔丙度永占南極之祥 總領所

猗蘭紀瑞當誕彌厥月之期貝葉繙經致於萬斯年之祝式哀

眾善仰贊中興伏願乾健常行離明久照四大而王居一併包

有截之區五福以壽為先增衍無疆之數 轉運司  
己卯

會慶節開啟疏 三省例委撰  
壬午

帝立子以生商適臨良月民同心而戴舜初紀誕辰虔修最上

之乘仰贊方增之壽皇帝陛下伏願乾行不息離照常中成巍

巍蕩蕩之功衍赫赫炎炎之祚邇安遠至垂裳觀萬國之朝地

久天長畫象奉二親之養

滿散疏

帝圖有永慶上聖之膺期佛力無邊紓下誠而致禱已集龍天

之妙勝庶裨海岳之深崇 皇帝陛下伏願誕保洪基備膺純

嘏九州四海皆底貢於端闡億載萬年永稱觴於德壽

功德疏



重華協於帝紀會慶之嘉辰衆美效之君罄羣臣之善頌既家  
國值非常之喜宜乾坤儲莫大之休 皇帝陛下伏願坐振皇  
威益恢孝治以盛德而一華夷之統以至尊而承父母之顏轉  
聖王之四輪咸休天覆歷賢劫之千佛永保君臨

皇太后服藥蔣山疏文 己卯

壽祉無疆方隆坤載節宣或爽未格時和眷鍾阜之精英實能  
仁之勝地仰體九重之意俯殫萬國之誠設淨供於人天集殊  
因於梵釋冀憑慧力速臻藥石之功益永徽音更茂松椿之壽

皇太后服藥賽諸祀疏文 己卯

恭惟聖天子以舜文之孝方問安於東朝爰霈湛恩徧秩羣祀  
庶憑陰相共介康寧願延萬壽之期永受九重之養

建康府為皇太后舉哀疏文 己卯

變鍾長樂倏聞坤載之傾悲動含生咸切母懷之慕式披梵典  
恭布哀誠 大行太后伏願頓悟真如圓成妙果翟車縹緲亟  
遊極樂之邦鹿苑逍遙更結摩耶之侶

馳馭遐升無復慈闈之啟鷲峰精禱敢忘冥福之祈恭仗佛乘  
仰酬坤載伏願一真不昧萬行常圓同佛母之在天永居兜率  
因女身而證道有若文殊



坤儀厭代莫延中壽之期孺慕興哀頓失東朝之恃不資釋典  
曷助仙遊伏願悟五蘊之皆空湛六塵而不染由法雲地登正  
覺之道場乘般若舟到菩提之彼岸

駢車既闕永虛長樂之朝貝葉可緝仰叩大雄之坐式資妙果  
用展哀悰伏願頓悟無生常除有漏三山已隔莫瞻醜駕之遊  
十地非遙願值龍華之會

東朝厭世共悲大地之傾西竺緇經爰致普天之禱庶憑法力  
仰助僊遊伏願境悟空花功成妙果徽音常在如夜月之印潭  
真諦是依乘慈航而濟岸

長樂告終修歎母儀之隔綿區奉諱共懷坤育之恩恭修最上  
之乘仰助遊升之路伏願觀身如幻了世無常密仗真銓既坐  
超於十地翕臻冥福更垂佑於六宮

請寶公祈雨疏文 己卯四月三日

自春及夏久愆膏澤之施若吏與民咸有旱乾之懼雖靈祠之  
徧走近誠意之未孚仰惟無礙之慈悲夙副有生之願欲敢勤  
象駕迂顧法筵俾黔黎共罄於瞻依庶哀憫曲垂於拯救伏願  
至仁易感洪誓不違出慈雲鍾阜之間隨車而至霈法雨秦淮  
之上及物無遺永言歸嚮之心全賴生成之賜



道觀祈雪文

未祈禱間得雪遂不用後二首同  
己卯

天覆羣生禱祈必應時臨窮臆潤澤偶愆麥菽可虞癘疵或作  
祇叩博臨之鑒冀垂下濟之仁呼風雲於朝夕之間霈雨雪於  
冬春之際庶豐年之協應致沴氣之潛消誓竭微誠仰酬洪造

佛寺祈雪文

歲云暮矣適因常暘雨以潤之正須惠澤用竭一心之懇式瞻  
兩足之尊惟六出之花繽紛來下則兩歧之穗秀實可期仰繫  
無礙之慈速副有生之望

寶公塔祈雪文

豐年所繫皆卜於冬春嗣歲將興尚愆於雨雪敢歸誠於鍾阜  
用徼福於金容瞻彼慈雲願散彌天之潤擴茲慧力亟書平地  
之祥惟二麥之無憂則一圻之有賴

省齋別藁卷三終



省齋別稿卷第四

周益文忠公集八十四

啟 並代作

謝宰執啟

以下十九篇並代外舅  
紹興二十六年

假以近邦已戴陶鎔之賜縮其遠次益銜造化之恩懷組綬以  
 予征見吏民而伊始伏念某天資椎鈍地望單平識非五總之  
 龜學止一斑之豹艱辛宦牒兢畏官箴謂我朱愚人笑南榮之  
 智為官拓落客騰揚子之嘲十年陪駕序之聯終日負鵜梁之  
 愧力上投閒之請遽叨共理之除絲大鈞方播於無垠故小子  
 亦容於有造遵塗浹日及境宣風將何施設於教條惟在奉承



於法令夙昔自省僥冒為多茲蓋伏遇某官感會三辰昭明百  
度密勿臯夔之任弼諧堯舜之君橐籥含生罄邇遐而畢遂權  
衡多士隨輕重以皆平遂致妄庸亦塵任使惟是桐川之壤未  
遙楓陛之朝訟簡刑清雖曰庸才之可勉民貧地狹奈何經費  
之不充方當涖職之初預積瘼官之懼願少寬於筆策庶自竭  
於疲駑狄山居一障之間既蒙優假嚴助奉三年之計更賴生  
成過此以還未知所措

與江東張使帥啟

三徑就荒未決歸田之計一麾出守誤叨乘障之恩已諏龜卜

之良祇佩魚符之寵伏念某學雖有志才不逮人少也孜孜妄  
冀事功之立老而碌碌但慚廩稍之糜昨參風憲之糾繩謬贊  
露門之誦說自知無補力丐投閑荷上聖之曲憐假附庸而共  
理幸居巡管庶追謹訶恭惟某官性兼忠孝之資世受天人之  
學蚤繇一德歷事三朝紫微屢告於辰猷青瑣旋升於夕拜雞  
翹豹尾六卿居法從之先井鉞參旗萬里折遐衝之侮久袖經  
綸之手益勤啟沃之心符刻玉麟暫付陪都之籥鼎調金鉉即  
遊揆路之沙某猥以孤蹤仰依巨蔭惟是桐川之偏壘號為江  
表之陋邦財賦匱窮封圻褊小絕長補短尚不足於平時送故



迎新矧數更於長吏深虞譎薄坐致顛濟惟外臺有以庇之則屬城免於戾矣素秋淒肅玉節光華願調六氣之和坐使百祥之合

徐憲頌德

恭惟某官奧學邁倫清徽表世奮勵才猷之茂踐揚中外之多卿寺郎曹最為舊德州麾使節迭奏新功茲圖壽俊之賢暫付祥刑之寄園扉鞠草既仰助於好生紫索荷囊諒旋膺於促召亶為公論匪曰諛言某猥以孤蹤下同前

周漕頌德

恭惟某官國器宏深天資茂粹問學造聖人之旨詞章為王度之華早著英聲踐周行而最久徧臨劇部論膚使以推先茲疇登揆之庸洵付轉輸之寄方睿哲益新於施設宜耆明首被於褒嘉佇聞芝檢之頌八預荷囊之挈亶為公論匪曰諛言某猥以孤蹤下同前

葉漕頌德

恭惟某官國器宏深天資茂粹奧學究聖人之旨英詞追作者之風比協廷僉亟頌驛召奉常議禮方躋清切之塗便殿矢謨俄奉皇華之選錫名駒於天廡寓美職於瀛洲欽聞攬轡之初



已著埋輪之譽行歸表著高步禁嚴某猥以孤蹤下同前

徐總領頌德

恭惟某官國器宏深天資茂粹識前言往行以蓄其德有令聞  
廣譽而施諸身早自奮於才猷常徧儀於中外璧琮無玷愈久  
益新松柏有心雖寒不改復綴九卿之少列獨司萬旅之餘糧  
佇褒寵於顯庸即超遷於法從是為公論匪曰諛言某猥以孤  
蹤下同前

呂提舉頌德

恭惟某官奧學承家清薇表世襲相門之舊德結黼座之深知  
游歷劇繁益隆譽處比協縉紳之望擢升輶傳之華足國裕民  
功既成於歛散摘山煮海效復見於富饒佇聞芝檢之頒八預  
荷囊之挈是為公論匪曰諛言某猥以孤蹤下同前

凌正言啟

上同江東張帥伏念某稟生闔阨殖學淺膚棲遲名位之卑荏苒星霜

之易蘭省殆成於白首相庭濫綴於清班黽勉歲周摧頽人後  
方羣公之並進可謂得時顧朽質以自慚力祈補外分合投閑  
而置散恩容宣化以承流載惟僥冒之深必有夤緣之自此蓋  
伏遇某官氣和而粹道廣而周居然中坦而外莊不以澄清而



撓濁烏臺三院甫揚直諒之聲騎省七人旋賴彌縫之益俯憐  
樗櫟夙忝金蘭每曲賜於揄揚致獲安於竒拙居如何武諒無  
赫赫之稱疎若班超願展平平之策

宣州樓樞密啟

輕萬戶以識韓早諧望履施餘波而及晉今幸依仁甫視印章

虔修竿牘伏念某學雖有志

下同江東張帥

假附庸而共理布寬條而

有俶託大芘以知歸恭惟某官博厚而疏通溫恭而剛毅起千  
年之絕學獨步儒林振一代之修名徧儀禁路翰苑早敷於邦  
號樞庭再本於兵機久安香火之祠高袖經綸之手方睿聖益

新於庶政擇輔藩分命於元臣歛大惠於一州錫康侯於三接  
圖任舊人而共政佇慰民瞻咸有一德以享天永符帝賚某密  
瞻上府獲在下風為滕薛之大夫已踰分量親龔黃之善政願  
奉規模過此以還未知所措

兼擢臨安府戶部韓尚書啟

背觚稜而北去方返寒鄉紆組綬以西來遽臨偏壘未知條教  
有愧吏民伏念某殖學淺膚稟生闕阨少無可取直同樗散以  
棗昏老復何能甘作鼠踰而麀怯昨收朝蹟旋拜郡符之官無  
五百里之遙竊食預二千石之列雖民貧而地狹幸訟簡而刑



清於此庇身實為過望茲益伏遇某官英資邁往精識絕倫總  
賦地官教周卿之禮樂剗繁天邑用漢尹之春秋顧政路之將  
登惟人才之務進有如孤拙亦賜吹噓某敢不深體上恩勉勤  
吏事發姦摘伏縱無一日之長宣化承流願奉三年之計

權樞密都承旨中書王舍人啟

杜門掃軌瓜未及於齊邱便道之官竹已分於漢郡反求諸已  
有愧於心伏念某襪線無長鬢絲易老方羣賢之並進競樂居  
中顧弱質之無庸力祈補外分合投閒而置散恩容宣化以承  
流惟是桐川介於江表雖民貧地狹在薄材絀力以難勝然政  
舉人存有善教流風之可法孤蹤自省微幸何多茲益伏遇某  
官德配先民文傳正法贊謨右府宣聖神道德之威演誥西廂  
鼓天地中和之氣每推公論力獎遺才故雖朽鈍之資亦在吹  
噓之數敢不勉思未至祈稱所蒙游及發硯諒難追於古訓伐  
柯取則期勉跂於前規

湯中丞啟

假以近邦已戴提撕之厚縮其遠次益知成就之深紆組綬以  
于征見吏民而伊始伏念某立身至苦秉德甚涼每惟骨相之  
屯敢有功名之望郎省已成於白首憲臺濫綴於清班黽勉歲



周摧顏人後始也羣公雜進柄方不可以入圓及乎衆正彙征  
器小復難於用大推之理數允矣奇窮尚分東方千騎之麾實  
賴中流一壺之賜矧茲桐水未遠楓宸雖地狹民貧在綿力薄  
材而難強然人存政舉有風流善教之可師夙夜以思叨踰為  
甚此蓋伏遇某官氣全剛大道備中和歲寒不改於松青風疾  
始知於草勁提綱柏寺知宿弊之頓除秉政槐庭許元功之茂  
立每扶國是坐正臺評遂容蹉踔之蹤猶在驅馳之數某敢不  
勉思未至 下同前

楮臺簿啟

三徑就荒未決歸田之計一麾出守誤叨乘障之恩自惟襪線  
之無長加以鬢絲之既老投閑置散乃所當然宣化承流斯為  
過矣載省叨踰之自宜無獎借之由茲蓋伏遇某官問學粹精  
風猷警邁久儀仕路人皆嘆於進難擢真臺僚上獨嗟於見晚  
每推公論仰助清朝致茲朽鈍之餘亦在吹噓之數某敢不勉  
思未至 下同前

答陳國政 天麟啟

昔年幸會親觀淡墨之名晚歲倦游坐遠金闈之彥豈謂不遺  
衰朽遠貺緘滕方塵容俗狀之可憎驚墨妙筆精之創見執謙



良甚懷感至深伏惟某官道本師傳詞皆已出約澤靡容於隱  
霧鴻毛果見於過風帝席夜前對宣室鬼神之間學宮晨入誨  
諸生行業之勤諒無歲月之淹別奉絲綸之渥蘭臺撰著固將  
平步以登馬玉殿論思益亦歷階而升耳願慎寶調之術式符  
頌望之私其在悃悃曷勝言喻

賀戶部王侍郎侯啟

趣朝天陞峻陟地官帝命有光人言無間恭以某官高文駿發  
懿行淳深奮才猷於百執之間備侍從於中興之始惟時心計  
尤簡睿知故四明方樂於香凝而九賦復煩於鞭策昔漢嘗尊  
於計相至唐彌重於度支豈徒司金穀之繁抑以養鈞衡之望  
稍著裕民之效即膺共政之除某早辱言揚欣聞召拜屬佩左  
符之竹阻陪右席之賓瞻頌於中敷宣罔既

賀禮部辛侍郎次膺啟

召自侯藩擢升禁從諸儒改觀共欣掌禮之得人庶俗何知亦  
喜正臣之在位恭惟某官持心本恕守道不回早見知萬乘之  
君期無負平生之學進居諫省一言必務於興邦退領祠宮三  
已莫窺於愠色身居鄙水名重泰山逮隆當宁之恩連奉賜環  
之命辰猷既告夜席盡前咨伯汝作秩宗姑假塗於簪橐暨湯



咸有一德即當路於鈞衡某僻守小邦逃聞成命莫遂登門之  
願敢稽贊喜之書頌詠於中敷陳奚究

賀提舉修書官万俟右相轉官加食邑啟

成書長樂宣制正衙冠五等以疏封躡二階而進秩僉言允穆  
注意加隆恭惟某官碩大而光明直方而寬厚異稟蚤符於帝  
賚英猷久峻於民瞻丁溥天綏靖之期宅右揆辦章之任既中  
外咸安於少事宜君臣俱樂於無為惟茲駸馭之還尚闕鴻儒  
之紀肆煩茂宰親總宏綱方和鉛舐筆以編摩俄緯典敷華而  
明備涓之穀旦導以盛容薄昭迎后之儀揭日星而顯著虞舜  
慕親之孝亘夷夏以流聞汗青恭寘於慈室副墨仍藏於秘府  
爰頌異數用答元功昔蕭曹居丞相之官初無聞於筆削班馬  
擅史家之學第私紀於見聞豈如輔佐之賢榮奉纂修之詔所  
載者非常之慶宜膺乎不次之恩亶為家國之光華豈獨士夫  
之歌艷某身游大冶耳屬上儀拘綴銀符雖莫預班廷之數傾  
依玉鉉其敢忘賀厦之誠

賀進書禮儀使沈左相轉官加封邑啟

上同万俟相

丁溥天綏靖之期宅左揆辦章之任既中外咸安於少  
事宜君臣俱樂於無為惟茲駸馭之還尚闕鴻儒之紀昨頌中



詔俾輯奏篇書薄昭迎后之儀以貽後代顯虞舜慕親之孝不  
在斯文汗青恭寘於慈室副墨仍藏於秘府肆煩上宰親總盛  
容贊紳肅穆以前驅禮無違者天日清明而顯相人皆仰之繫  
鉅典之克成殆聖時之創見宜舉懋功之賞用酬領使之勞非  
崇資峻陟無以示天眷之隆非書社陪敦無以慰國人之望甘  
茂十官之取何足與稽張良萬戶之封固宜未艾某身遊大治  
下同  
前

賀湯右相啟

紹興二十七年

金甌名啟玉鉉位崇制命一傳歡謠四起竊惟至治之世必有

非常之臣視君如腹心相王為左右用肩一德永底多盤歷選  
時髦孰為舊德斗宮運神樞之柄既在諸公之先上相處太微  
之庭宜應今日之拜恭惟某官氣充高厚忠貫神明濟世之才  
愈汲而愈富許國之節彌久而彌堅早由經緯之文親結聖人  
之眷精誠每竭燥濕莫移故凡見諸有為率不負其所學垂紳  
正笏判羣疑於片言偃武修文興長利於旋踵更化之際宣力  
為多方時已安命相尤重民皆屬望久矣上亦虚心待焉果副  
具瞻亟聞爰立談笑為治豈惟垂千載之規精神折衝固可制  
四夷之命修禮樂以召和氣進賢能以起治功三代之隆遂將



再見兩漢而下夫何足云某愚有寸誠老無他技虞翻骨相自  
嘆多屯陶令田園分甘歸去茲值播釣之始尚懷為御之初望  
賓客之後塵雖知邈爾採士民之公論不覺欣然瞻頌之誠叙  
陳曷既

同前代聞人書庫

光膺典冊進總機衡屹若明堂得棟梁而愈固浩然巨浸賴舟  
楫以安行渙號播聞輿情闔澤竊以輔弼之任古今所難咨四  
岳以奮庸匪內由於獨斷使百工而求野或外盡於周詢豈知  
聰明睿知之君久眷碩大光明之佐積年詳試一旦登庸既聲

名素稔於縉紱宜望實交孚於華裔恭惟某官應期佐聖維嶽  
炳靈游夏淵源洞八索九邱之學卿雲黼黻雜四時五色之文  
蚤擢殊科立登要路春官議禮明夏商損益之宜翰苑代言繼  
盤誥聳牙之作亟被九天之渥延登兩地之尊柄幹洪樞運籌  
而坐帷幄烽沉紫塞挽河而洗甲兵浸隆巖石之瞻久徯沙堤  
之築果贊元而入輔遂當路以奮庸方且感一人特達之知慶  
千載難逢之會股肱盛世著蔡羣疑飾庶事以鼎新奠溥天於  
孟覆共欣聖主獲稷契臯陶之良臣肯使太和在唐虞成周之  
盛際詩書所紀勲業同歸某五斗為貧一官効智寢每懷於附



鳳門屢幸於登龍方此播鈞敢忘躍冶祐甫除八百之吏雖匪  
舊知晉卿舉七十之家尚容筦庫

問候沈左相啟

以下代方總領  
紹興二十八年九月

蒙霧而行每潤身於膏澤翹風以望頻矯首於門墻當九秋向  
杪之辰有萬寶告成之喜鼎梅久實和羹方賴於商衡潭菊可  
飡遐壽宜臻於漢相輒彈款懇仰詞寢興恭惟某官正直秉彝  
誠明貫道窮精微於三聖學有本原掩述作於兩京文皆典則  
自進隆於國棟即茂立於邦基獎拔羣材共翊休明之運彌綸  
庶務密庸造化之功三台仰驗於色齊九鼎俯知於器重縉紳

歌詠中興有丙魏之聲旒冕注懷廣廈論唐虞之際克凝丕績  
絕擬常倫伏念某塵慮煩襟謏材曲學曩值延登之旦首膺特  
達之知如彼枯魚驟吸西江之水譬諸葦室頓延東井之光既  
遙跡於郎闈仍總儲於軍壘黽勉粗殫於駑駕叨踰終愧於鷄  
梁仰藉洪鈞尚逃司敗鵷鸞接武雖寸步之不前鴻雁來賓顧  
尺書之敢緩其為瞻頌罔罄名言

問候湯右相啟

含香錦帳身游垓北之鈞發軔轅門日注熒煌之座欽相細旃  
議政廣業熙天茂隆旦爽之勲遂措成康之俗神明所保福祿



來同恭惟某官智蘊賢謨道隆先覺以聳壑凌雲之質柱石王  
庭以鏘金夏玉之文笙簧帝典口峻參於機幄旋進執於宰衡  
雖鎮以無為孰測廟堂之密勿然見諸行事足觀輔弼之規恢  
內焉百度之修明外則羣王之綏靖大詔掛壁澄霄潛狼角之  
光嘉石平民絕澗息禽遊之酷積為和氣散作謹謠方且進英  
髦以共保洪基飾禮樂以助調元化郊天祭地告厥成功緯典  
敷華傳諸後世太平責塞小人道消某襪線無長髻絲浸老牛  
溲馬勃辱採擇於醫師蟲臂鼠肝正依棲於造化金莖露滑玉  
鉉羹調冀益護於寢興永上符於眷注瞻祈倍極傾寫奚殫

賀王樞密啟

明詔揚廷元樞正位有常立武基聖神宥密之謀無競維人成  
邦國安強之勢真儒益進多士同歡恭惟某官道本誠明氣全  
剛大詩書執禮六經皆務於雅言直諫多聞萬乘素推於益友  
騫翔久矣譽問藹然詞掖鑿坡大冊高文之獨步經帷工尹昌  
言宏議之日聞自陟幾廷愈摠廟畧留侯佐漢功高三傑之中  
裴度輔唐名播四夷之外擁輶出使仗節來歸有折衝厭難之  
勲無伐善施勞之失况三軍五兵之運久此宣猷宜十行一札  
之書茲焉進長寵數式隆於當宁恩章尤異於在廷既用仲尼



固知天下之無敵非如汲黯但使淮南之寢謀某夙荷恩憐欣  
聞冊拜宏開沙館知多賀厦之人邈處柳營獨阻登門之願其  
為馳頌實倍常情

賀吏部張尚書啟

寵錫綸言峻登文部任隆常伯獨專四選之權班冠從臣允謂  
六官之長雖還舊物實茂新恩恭惟某官學粹而文高氣和而  
節勁早登禁路惓惓形憂國之言久歷藩方疊疊盡愛民之意  
既宸心之妙簡亦輿論之素孚雖告歸力上於囊封而趣召屢  
頒於邦渙游神琳館進讀金華數朝士於正元春風屢改得世

臣於故國喬木猶存方將倚重於股肱茲用假塗於喉舌稽諸  
周制天官同冢宰之名參以唐規政府總吏銓之事惟時重任  
屬我老成某久託餘輝逃聞異數顧阻申於慶禮實倍激於懼  
悰

賀朱中丞啟

祇奉親除峻陞獨坐絳騎清道一時欣覲於曠儀白簡生風多  
士共覘於勁節恭惟某官性資誠懇局度方嚴學窮六藝之源  
流文掃百家之鞏悅自登朝列即締主知操挺松筠歷三冬而  
不改質堅金石經百鍊而愈精已騰騎省之聲稱旋振烏臺之



網紀有猷必告無弊弗除果膺非次之恩遂應久虛之選執法  
在端門之右是亦假塗輔星明北斗之中即聞秉政理之必至  
人所共期某屬奉使華阻於賓謁正臣得位既如鵬鶚之在天  
善類歸心何畏豺狼之當路其為欣懌實倍等夷

問候葛侍郎啟

櫟社扶疏昔依仁於華省蓬心拳曲今結戀於朱門欽惟賢哲  
之所臨密有神靈之來相內凝道妙外納時和恭惟某官應物  
以俊明之資處躬以渾厚之德詞章峻潔如東流赴海之莫磯  
聞譽輝光若北斗麗天之可仰掖垣掌制文部典銓世傳常袞

之除書人服山公之啟事謂合延登於黃閣云胡引去於青都  
結河山杖屨之緣作茗水龜魚之主冲襟逸興雖浸忘紫橐之  
舊游雅望英聲當勉為蒼生而再起某久應襍被尚許濫巾蝶  
夢空勞莫遂接辭之便魚書遠至少伸問訊之儀悃悃所懷楮  
毫奚盡

賀何大諫啟

演誥鳳池升班騎省后從諫則聖式嘉啟沃之謨臣事君以忠  
愈藉論思之益恭惟某官執德洪而信道篤見善明而用心剛  
自擢冠於南宮即締知於北闕曩由六察進列七人造膝惓惓



補袞實同於山甫抗章纚纚引裾何愧於辛毗爰從左掖之聯  
就正大坡之拜青蒲屢伏旣旌入告之嘉猷紫橐峻持更應久  
虛之妙選佇疇言績參秉政幾某外奉使華遙聞褒制莫展陽  
城之拜敢稽商皓之書欣頌交懷喻言奚究

賀都司諫啟

底績右垣升華左掖忠言劇上雖寄任之不移正色立朝知班  
聯之愈峻恭惟某官文高典則學洞淵源挺渾金璞玉之姿時  
皆景仰負烈日嚴霜之操帝所親知召居六察之官擢預七人  
之列風聲鯁峭屢開白獸之尊諫紙縱橫備著阜囊之疏式酬  
久次爰畀右遷臣事君以忠補袞既彰於山甫后從諫則聖轉  
圜益顯於高皇佇從耳目之司入踐股肱之任某屬縻使事阻  
造賓筵仰賢哲之得時與士民而共慶其為欣頌曷罄敷陳

謝執政啟 代陳通判

戍期垂畢未瞻魏闕之觚稜詔旨中頒遽剖漢庭之符竹顧牧  
民之寵厚知宰物之恩深伏念某智術迂愚宦游連蹇三銓列  
屬被亟襮以汰歸萬里觀風采甫黔而報罷一投閑散屢改炎  
涼豈盛時獨棄於蒯管蓋薄命動迎於墻壁欽惟先德傳清白  
之高風藐視後人敢磷緇於素手傷哉貧也誰者憐之甑生范



氏之塵瓶乏淵明之粟晚叨起廢游畀藩符章郡頻年生對朝  
雲於南浦臺城再歲飽聞夜鶴於北山居無可紀之勞宜冀就  
遷之渥忽叨成命改付名邦方愧杲之依芙蓉而汎水乃容高  
適出幕府以持麾之官雖徯於瓜時揣分實踰於檮散茲蓋伏  
遇某官道隆先覺勲格皇天拳拳致主之清忠汲汲求賢之美  
意衡量多士重輕無杪忽之差澤潤羣生遐邇失焦枯之患欲  
廣聖神之德尤嚴師帥之官何取妄庸亦忝任使某敢不愈堅  
末路縻負初心戴稷契之殊知謹銘藏於茲日追龔黃之善政  
尚鞭策於他時過此以還未知所措

省齋文彙卷四終



不列文書

唐書卷之四

七

晉書文





